

Inatsisissatut siunnersuummut nassuiaatit

Nassuiaatit nalinginnaasut

1. Aallaqqaasiut

1.1 Siunnersuummut tunngaviusut pingaarnerit

Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersoq (ilinniarnertuunngorniartarneq pillugu inatsit) ulloq 1. august 2012 atuutilerpoq.

Ilinniarnertuunngorniartarneq pillugu inatsimmi § 4 naapertorlugu ilinniarnertuunngorniarluni ilinniagaq ilinniartarnerit siunertamut Naalakkersuisunit pilersinneqartuni imaluunniit akuerineqartuni neqeroortutigineqassaaq. Ilinniartarnerit ilinniarnertuunngorniarluni ilinniakkamik neqeroortussat pilersinneqartut inatsimmi matumani taaneqarput "ilinniarnertuunngorniartarnerit". Ilinniartarnerit ilinniarnertuunngorniarluni ilinniakkamik neqeroornissamut akuerisaasut inatsimmi matumani taaneqarput "ilinniartarnerit akuerisaasut". Ilinniarnertuunngorniartarnerit aamma ilinniartarnerit akuerisaasut ataatsimut inatsimmi matumani taaneqarput "ilinniarnertuunngorniartarnerit".

Ilinniarnertuunngorniartarneq pillugu inatsimmi § 62, imm. 1 naapertorlugu rektori ilinniarnertuunngorniartarnerit ulluinnarni aqutsisuuvoq. Rektori perorsaaniqut allaffissornikkullu suliaassanik ilinniartarnerit sulisuisa akornanni aqutsillunilu agguassissarpoq. Ilinniartarnerit akuerisaasuni rektorip suliaassai ilinniartarnerit pisortaanit imaluunniit ilinniarnertuunngorniartarnerit akisussaasussatut pisortatut atorfinitsitaasumit isumagineqassapput. Rektori aamma pisortaq oqaaseqatigiit aappaanni eqqaaneqartoq inatsimmi matumani "rektorimik" taaneqarput.

Ilinniartarnerit sulisunillu allanik atorfinitsitsinissamut soraarsitsinissamullu pisinnaatitsineq ilinniarnertuunngorniartarneq pillugu inatsimmi § 62, imm. 4-mi maleruagassat aalajangersarneqarput, tassani allassimavoq: "Ilinniarnertuunngorniartarnerit rektorip ilinniarnertuunngorniartarnerit ilinniartarnerit sulisuisalu allat atorfinitsinnissat soraarsinnissaallu Naalakkersuisunut inassutigisassavaa. Ilinniartarnerit akuerisaasuni ilinniartarnerit sulisullu allat malittarisassat ilinniartarnerit atuuttut naapertorlugit atorfinitsinneqarlutillu soraarsinneqartassapput."

Ilinniarnertuunngorniartarnerit Ilinniartarnerit, Kultureqarnerit, Ilisimatusarnerit Ilageeqarnerimullu Naalakkersuisoqarnerit ataani immikkoortortaapput. Taamaalilluni ilinniarnertuunngorniartarneq pillugu inatsimmi § 62, imm. 2-mi aalajangersagaavoq ilinniarnertuunngorniartarnerit rektorit Naalakkersuisumit atorfinitsinneqarlutillu soraarsinneqartassatut. Ilinniartarnerit akuerisaasuni ilinniarnertuunngorniartarnerit akisussaasutut aqutsisoq (rektori) malittarisassat ilinniartarnerit atuuttut naapertorlugit atorfinitsinneqarlunilu soraarsinneqartassaaq.

Maannamut ilinniarfiit akuerisaasut tassaapput qitiusumik ilinniarfiit, Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq (inuussutissarsiutitigut ilinniarfiit pillugit inatsit), Inatsisartut inatsisaatigut nr. 3, 4. juni 2012-imeersutigut allangortinneqartoq malillugu aaqqiiffigineqartut. Qitiusumik ilinniarfiit inuussutissarsiutitigut ilinniarfiit pillugit inatsimmi § 31, imm. 1 malillugu pisortat suliffeqarfutigaat namminersortut.

Inatsisissatut siunnersuutip suliarineqarnerata nalaani ilinniarnertuunngorniartarfinni ilinniartitsisut sulisullu allat atorfinitsinneqarlutillu soraarsinneqartarput rektorip Aningaasaqarnermut Sulisoqarnermullu Aqutsisoqarfimmu inassuteqarneratigut. Tamatuma nassataanik ilinniarnertuunngorniartarneq pillugu inatsimmi atorfinitsitsinissamut soraarsitsinissamullu piginnaatitsissut pillugu aalajangersagaq suleriaatsimut tassunga naapertuuttunngorlugu oqaasertalerneqarpoq.

Inatsisissatut siunnersuut aqutugalugu anguniarneqarpoq ilinniarnertuunngorniartarneq pillugu Inatsisartut inatsisaanni atorfinitsitsinissamut soraarsitsinissamullu pisinnaatitsineq pillugu maleruaqqusanik peqalernissaq, tassa oqartussaasut sulisunik aqutsinermi akisussaaffii pisinnaatitaaffiilu pillugit maleruaqqusat nalinginnaasut naapertorlugit.

Tassunga atatillugu ilisimatitsissutigineqassaaq, inatsisitigut suliaqarfinni allani aamma immikkoortartaqarfinni pisortat atorfinitsitsinissamut soraarsitsinissamullu pisinnaatinneqarmata. Tamatumunnga assersuutigalugu aamma Nunatta Atuagaateqarfiani pisortamut, atuagaateqarfimmi pisortatut taaneqartartumut, tamanna atuuppoq.

1.2 Inatsisissamik piareersaanermi pingaarnertut taasariaqartut

Siunnersuut Aningaasaqarnermut Sulisoqarnermullu Aqutsisoqarfimmik oqaloqatigiissuteqarfingereerlugu suliarineqarpoq. Siunnersuutip annikitsunnguunerata nassataanik inatsisissamik piareersaasussap ataatsimiititalia assigisaataluunniit pilersinneqarnissaa pisariaqartinneqanngilaq.

2. Siunnersuummi pingaarnertut sammineqartut

Siunnersuutip imaraa ilinniarnertuunngorniartarneq pillugu inatsimmi allannguut ataaseq. Inatsimmi § 62, imm. 4-mi oqaaseqatigiit siullianni atorfinitsitsinissamut soraarsitsinissamullu pisinnaatitsineq pillugu aalajangersagaq allangortinneqarpoq. Maannamut ilinniartitsisunik ilinniarnertuunngorniartarfinnilu sulisunik allanik atorfinitsitsinissaq soraarsitsinissarlu pillugit Ilinniarnertuunngorniartarfinni rektorit Naalakkersuisunut inassuteqaateqartarput. Siunnersuut manna aqutugalugu rektori nammineerluni sulisunik atorfinitsitsinissamut soraarsitsinissamullu pisinnaatinneqalerpoq.

Inatsisissatut siunnersuut inatsimmut atuuttumut sanilliullugu		
Inatsisitigut tunngavigisaq atuuttoq	Oqaasertai atuuttut	Inatsisissatut siunnersuut
Ilinniarnertuunngorniartarneq pillugu Inatsisartut inatsisaanni nr. 13, 22. november 2011-meersoq, Inatsisartut inatsisaat nr. 4, 30. maj 2014-imeersoq aqcutigalugu allanngortinneqartoq.	§ 62, imm. 4-mi oqaaseqatigiit siulliit: “Ilinniarnertuunngorniartarneq rektorip ilinniarnertuunngorniartarneq ilinniartitsisuisa sulisuisalu allat atorfinitsinnissaat soraarsinnissaallu Naalakkersuisunut inassutigisassavaa.”	1. § 62, imm. 4-mi oqaaseqatigiit siulliit imatut oqaasertalerneqarput: "Ilinniarnertuunngorniartarneq ilinniartitsisut sulisullu allat rektorimit atorfinitsinneqarlutillu soraarsinneqassapput.”

3. Pisortat allaffissornerannut aningaasaqarnerannullu kinguneqaatissat

Siunnersuut pisortat allaffissornerannut aningaasaqarnerannullu kinguneqassanngitsoq naatsorsuutigineqarpoq, tassa suleriaatsimik aaqqissuussineq matumani pineqarmat.

4. Inuussutissarsiuqartut allaffissornerannut aningaasaqarnerannullu kinguneqaatissat

Siunnersuut inuussutissarsiuqartut allaffissornerannut aningaasaqarnerannullu kinguneqassanngitsoq naatsorsuutigineqarpoq.

5. Avatangiisinut pinngortitamullu kingunerisassat

Siunnersuut avatangiisinut pinngortitamulluunniit kinguneqassanngitsoq naatsorsuutigineqarpoq.

6. Innuttaasunut kinguneqaatissat

Siunnersuut innuttaasunut kinguneqarnissaa naatsorsuutigineqanngilaq.

7. Sunniutissai pingaarutillit allat

Siunnersuut pingaarutillit allat kinguneqassasoq naatsorsuutigineqanngilaq

8. Oqartussaasut kattuffiillu tusarniaaffigineqarnerat

Inatsisissatut siunnersuut piffissami 18. maj 2015-imit 22. juni 2015-imut tusarniaassutigineqarpoq.

Siunnersuut makkunani tusarniutigineqarsimavoq:

Naalakkersuisut Siulittaasuata Naalakkersuisoqarfia	Peqqissutsimut Naalakkersuisoqarfik
Aningaasaqarnermut Naalakkersuisoqarfik	Inuussutissarsiornermut, Suliffeqarnermut Niuernermullu Naalakkersuisoqarfik

Aatsitassaqarnermut Naalakkersuisoqarfik	Nunanut Allanut Pisortaqaarfik
Ilaqutariinnermut Naligiissitaanermut Isumaginninnermullu Naalakkersuisoqarfik	Aalisarnermut, Piniarnermut Nunalerinnermullu Naalakkersuisoqarfik
Ineqarnermut, Sanaartornermut Attaveqarnermullu Naalakkersuisoqarfik	Pinnngortitamut, Avatangiisinut Inatsinillu Atortitsinnermut Naalakkersuisoqarfik
KANUKOKA	Danmarkimi Undervisningsministeriaqarfik
Ilinniagaqartut kattuffii	Meeqqat illersuisuat

Kalaallit Nunaanni ilinniarfiit	Ilinniarnertuunngorniarfiit
Kalaallit Nunaanni højskolit	Kalaallit Nunaanni Sulisitsisut Peqatigiiffiat
NUSUKA	SIK
IMAK	Kalaallit Nunaanni Ilinniagartuut Kattuffiat, ASG
AK (Atorfillit Kattuffiat)	Inuit Pisinnaatitaaffii pillugit Instituti

Tusarniaanermi akissutit qulingiluat tiguneqarput, taakkunanngalu uku oqaaseqaatissaqanngillat: Aningaasaqarnermut Naalakkersuisoqarfik, Ineqarnermut, Sanaartornermut Attaveqarnermullu Naalakkersuisoqarfik, Ilisimatusarfik, Campus Kujalleq, Kalaallit Nunaanni Ilinniagartuut Kattuffiat, KANUKOKA aamma Inuit Pisinnaatitaaffii pillugit Instituti.

Uku siunnersuummut oqaaseqaateqarput: Sulisitsisut aamma Meeqqat Illersuisuat.

Sulisitsisut

Sulisitsisut siunnersuummut aalajangersimasunik oqaaseqaatissaqanngillat, oqaatigaalli qitiusumik ilinniarfinnik ilinniarnertuunngorniarfimmi ilinniartitsissutinik ataasiakkaanik neqerooruteqartartunik akuersisinnaalersitsisumik aalajangersakkamik ilanngussinissaq isumaliutigineqartariaqartoq. Immikkut atugassaqartitsilluni akuersisoqartarsinnaanersoq/akuersissuteqartoqartassanersoq tassunga atatillugu misissorneqartariaqarpoq, pingaartumik ilinniarnertuunngorniarfittut allaffissornikkut akuerineqarsinnaanerisa ajornakusoornera pillugu naalakkersuisoqarfiup siusinnerusukkut tunngavilersuutigini kuusaa eqqarsaatigalugu.

Ilinniartitsinerup imminut atanissaata qulakkeerneqarnissaanut periarfissatuaammat qitiusumik ilinniarfiit ilinniarnertuunngorniarfimmi ilinniartitsissutinik ataasiakkaanik (ilinniarnertuunngorniarfinni pitsaassutit qaffasissutsillu assinginik) neqerooruteqarnissamut periarfissaat pingaaruteqartorujussuusoq Sulisitsisut isumaqarput. Ilinniarnertuunngorniarfinni ilinniartitsissutit ilaat KVVU-t amerlanerit piumasaqaatigisarpaat. Inuussutissarsiutinut ilinniarfinni ilinniartut inuussutissarsiutinut ilinniarnertik ingerlallugu ilinniartitsissutinik taakkunanga ilinniarnissaat naleqqutissaaq. Ullumikkut ukiuni pingasuni ilinniarnertuunngorniarfimmi ilinniarnissaannut imaluunniit ilinniartitsissutinik ataasiakkaanik/ilinniartitsissutinut illassutinik

ilinniarnissaannut taarsiullugu, tamassumami kingunerisarpaa ilinniarnerminnik ukiumik ataatsimik sivitsuinissaat.

Ilinniarnertuunngorniarneq pillugu Inatsisartut inatsisaata allanngortinnera pillugu Inatsisartut inatsisaanni nr. 4, 30. maj 2014-imeersumi § 1, imm. 6-imi ilinniarnertuunngorniarfimmil ilinniartitsissutinik ataasiakkaanik ilinniartitsisarneq pillugu malittarisassiornissamut Naalakkersuisut periarfissinneqarput. Aalajangersakkamut oqaaseqaatini ersippoq ilinniartitsissutinik ataasiakkaanik ilinniartitsinissamik neqeroorutit aallaaviusumik ilinniarnertuunngorniarnermut ilassutitut ilinniarnertuunngorniarfinni pisassasoq, kisiannili kikkut ilinniartitsinissamik neqerooruteqarsinnaanerannik Naalakkersuisut malittarisassiornikkut aamma killiliisinnaasut. Ilinniartitsissutinik ataasiakkaanik ilinniartitsisarneq pillugu nalunaarusiortoqarnissaa ilimagineqarpoq.

Meeqqat Illersuisuat (MIO)

Inatsisissatut siunnersuut MIO-p taperserpaa, kaammattuutigaluguli atorfinitsitsinerni ilinniartut peqartarnissaat inatsimmik allannguinermi anguniarneqassasoq. Ilinniartunik peqataatitsisarneq assigiinngitsutigut pisinnaavoq, immaqa ilinniartitsisut ilinniartitsissutini assigiinngitsuni sunik piginnaasaqarnissaannik apersuinikkut.

FN-imi Meeqqat pillugit Isumaqaatigiisummi artikili 12 MIO-p innersuussutigaa. Aalajangersagaq taanna malillugu meeqqat tamarmik namminneq isummaminnik oqaatiginnissaariaqarput, pissutsini tamani meeqqanut tunngasuni isummaminnik killilersorneqaratik oqaatiginnissinnaasariaqarlutik; isummat meeqqat ukioqassusiat perorsimassusiallu naapertorlugu naleqquttumik pingaartinneqartariaqarput.

Meeqqat inuusuttullu taamaalillutik assigiinngitsutigut peqataatinneqartassapput, aammalu toqqaannartumik ilinniarnertuunngorniarfimmiluunniit sinniisortik aqutugalugu tusarniarneqartussaallutik.

Meeqqat inuusuttullu tamarmik ilinniarnissamut pisinnaatitaaffeqarput (FN-imi Meeqqat pillugit Isumaqaatigiisummi artikili 28) ilinniarnermilu siunertaassalluni inuttut pissuseqarnerannut, piginnaasaqarnerannut aamma tarnikkut timikkullu piginnaasaqarnerannut tunngatillugu meeqqat ineriartornissamut periarfissaqassallutik (FN-imi Meeqqat pillugit Isumaqaatigiisummi artikili 29).

Rektori sulisunik nammineq atorfinitsitsisarnissamut soraarsitsisarnissamullu siunnersuummi pisinnaatinneqassaaq. Atorfinitsitsinerni ilinniartut sinniisaannik rektorip pisuni aalajangersimasuni peqataatitsisarnissaa akornutissaqartutut isikkoqanngilaq. Kisiannili ilinniartut, tassani ilanngullugit taakku sinnissaat, aalajangiivinnissamut pisinnaatitaaffilerneqarsinnaanngillat.

Tusarniaanermi akissutit pillugit allakkiaq

Ilinniarnertuunngorniartarneq pillugu Inatsisartut inatsisaata allanngortinnera pillugu Inatsisartut inatsisaattut siunnersuummut (atorfinitsitsinissamut soraarsitsinissamullu piginnaatitsineq) oqaaseqaatit

Tusarniaaffigineqartoq	Oqaaseqaatit	Oqaaseqaatinut oqaaseqaatit
Aningaasaqarnermut Naalakkersuisoqarfik	Siunnersuummut oqaaseqaatissaqanngilaq	Siunnersuutip allanngortinneqarneranik kinguneqanngilaq
Ineqarnermut, Sanaartornermut Attaveqarnermullu Naalakkersuisoqarfik	Siunnersuummut oqaaseqaatissaqanngilaq	Siunnersuutip allanngortinneqarneranik kinguneqanngilaq
Ilisimatusarfik	Siunnersuummut oqaaseqaatissaqanngilaq	Siunnersuutip allanngortinneqarneranik kinguneqanngilaq
Campus Kujalleq	Siunnersuummut oqaaseqaatissaqanngilaq	Siunnersuutip allanngortinneqarneranik kinguneqanngilaq
Sulisitsisut	Siunnersuummut aalajangersimasunik oqaaseqaatissaqanngilaq Oqaatigaalli qitiusumik ilinniarfinnik ilinniarnertuunngorniartarneq ilinniartitsissutinik ataasiakkaanik neqerooruteqartartunik akuersisinnaalersitsisumik aalajangersakkamik ilanngussinissaq isumaliutigineqartariaqartoq. Immikkut atugassaqaartitsilluni akuersisoqartarsinnaanersoq/ akuersissuteqartoqartassanersoq q tassunga atatillugu misissorneqartariaqarpoq, pingaartumik ilinniarnertuunngorniartarneq allaffissornikkut	Siunnersuutip allanngortinneqarneranik kinguneqanngilaq Ilinniarnertuunngorniartarneq pillugu Inatsisartut inatsisaata allanngortinnera pillugu Inatsisartut inatsisaanni nr. 4, 30. maj 2014-imeersumi § 1, imm. 6-imi ilinniarnertuunngorniartarneq ilinniartitsissutinik ataasiakkaanik ilinniartitsisarneq pillugu malittarisassiornissamut Naalakkersuisut periarfissinneqarput. Aalajangersakkamut oqaaseqaatini ersippoq ilinniartitsissutinik ataasiakkaanik ilinniatitsinissamik neqeroorutit aallaaviusumik ilinniarnertuunngorniartarneq ilassutitut ilinniarnertuunngorniartarneq

	<p>akuerineqarsinnaanerisa ajornakusoornera pillugu naalackersuisoqarfiup siusinnerusukkut tunnqavilersuutiginiqusa eqqarsaatigalugu. Ilinniartitsinerup imminut atanissaata qulakkeerneqarnissaanut periarfissatuaammat qitiusumik ilinniarfiit ilinniarnertuunngorniarfimmi ilinniartitsissutinik ataasiakkaanik (ilinniarnertuunngorniarfinni pitsaassutit qaffasissutsillu assinginik) neqerooruteqarnissamut periarfissaat pingaaruteqartorujussuusoq Sulisitsisut isumaqarput. Ilinniarnertuunngorniarfinni ilinniartitsissutit ilaat KVU-t amerlanerit piumasaqaatigisarpaat. Inuussutissarsiutinut ilinniarfinni ilinniartut inuussutissarsiutinut ilinniarnertik ingerlallugu ilinniartitsissutinik taakkunanga ilinniarnissaat naleqqutissaaq. Ullumikkut ukiuni pingasuni ilinniarnertuunngorniarfimmi ilinniarnissaannut imaluunniit ilinniartitsissutinik ataasiakkaanik/ilinniartitsissuti nut ilassutinik ilinniarnissaannut taarsiullugu, tamassumami kingunerisarpaa</p>	<p>pisassasoq, kisiannili kikkut ilinniartitsinissamik neqerooruteqarsinnaanerannik Naalackersuisut malittarisassiornikkut aamma killiliisinnaasut. Ilinniartitsissutinik ataasiakkaanik ilinniartitsisarneq pillugu nalunaarusiortoqarnissaa ilimagineqarpoq.</p>
--	--	--

	ilinniarnerminnik ukiumik ataatsimik sivitsuinissaat.	
Kalaallit Nunaanni Ilinniagartuut Kattuffiat	Siunnersuummut oqaaseqaatissaqanngilaq	Siunnersuutip allanngortinneqarneranik kinguneqanngilaq
KANUKOKA	Siunnersuummut oqaaseqaatissaqanngilaq	Siunnersuutip allanngortinneqarneranik kinguneqanngilaq
Inuit Pisinnaatitaaffiitut Instituti	Siunnersuummut oqaaseqaatissaqanngilaq	Siunnersuutip allanngortinneqarneranik kinguneqanngilaq
Meeqqat Illersuisuat (MIO)	<p>Inatsisissatut siunnersuut MIO-p taperserpaa, kaammattuutigaluguli atorfinitsitsinerni ilinniartut peqataatinneqartarnissaat inatsimmik allannguinermi anguniarneqassasoq. Ilinniartunik peqataatitsisarneq assigiinngitsutigut pisinnaavoq, immaqa ilinniartitsisut ilinniartitsissutini assigiinngitsuni sunik piginnaasaqarnissaannik apersuinikkut.</p> <p>FN-imi Meeqqat pillugit Isumaqatigiisummi artikili 12 MIO-p innersuussutigaa. Aalajangersagaq taanna malillugu meeqqat tamarmik namminneq isummaminnik oqaatiginnissaariaqarput, pissutsini tamani meeqqanut</p>	<p>Siunnersuutip allanngortinneqarneranik kinguneqanngilaq</p> <p>Rektori sulisunik nammineq atorfinitsitsisarnissamut soraarsitsisarnissamullu siunnersuummi pisinnaatinneqarpoq. Atorfinitsitsinerni ilinniartut sinniisaannik rektorip pisuni aalajangersimasuni peqataatitsisarnissaa ajoqutissaqartutut isikkoqanngilaq. Kisiannili ilinniartut, tassani ilanngullugit taakku sinnissaat, aalajangiivinnissamut pisinnaatitaaffilerneqarsinnaann gillat.</p>

	<p>tunngasuni isummaminnik killilersorneqaratik oqaatiginnissinnaasariaqarlutik , isummat meeqqat ukioqassusiat perorsimassusiallu naapertorlugu naleqquttumik pingaartinneqartariaqarput.</p> <p>Meeqqat inuusuttullu taamaalillutik assigiinngitsutigut peqataatinneqartassapput, aammalu toqqaannartumik ilinniarnertuunngorniarfimmilu unniit sinniisortik aqqutigalugu tusarniarneqartussaallutik.</p> <p>Meeqqat inuusuttullu ilinniarnissamut pisinnaatitaaffeqarput (FN-imi Meeqqat pillugit Isumaqatigiisummi artikili 28) ilinniarnermilu siunertaassalluni inuttut pissuseqarnerannut, piginnaasaqarnerannut aamma tarnikkut timikkullu piginnaasaqarnerannut tunngatillugu meeqqat ineriartornissamut periarfissaqassallutik (FN-imi Meeqqat pillugit Isumaqatigiisummi artikili 29).</p>	
--	---	--

Aalajangersakkanut ataasiakkaanut nassuiaatit

§ 1-imut

Nr. 1-imut (§ 62, imm. 4-mi oqaaseqatigiit siulliit)

Aalajangersakkap oqaasertassaatur nutaatur siunnersuutigineqartumut tunngaviusoq siunertaasorlu siunnersuummut nassuiaatini nalinginnaasuni nassuiarneqarput.

Atorfinitsisinissamut soraarsitsinissamullu piginnaatitsissummi atorfinitsisinissamut soraarsitsinissamullu piginnaatitsissutip saniatigut aamma atorfirmut atatillugu unioqqutitsinermi pineqaatissiinissamut piginnaatitsissut atuuppoq.

§ 2-mut

Inatsit 1. januar 2016-imi atuutilersinneqassasoq siunnersuutigineqarpoq. Atuutsitsilernissamut piffissaliunneqartoq suleriaatsimut naapertuuttumik aaqqiinissamik pisariaqartitsineq ilutigalugu allanguutip piaartumik atuutsinneqalernissaa siunertaralugu aalajangiunneqarpoq.